

沈乃文 主編

明別集叢刊 第三輯

第四十七冊

黃山書社



國家出版基金項目
NATIONAL PUBLISHING FOUNDATION


「十二五」國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第四十七冊

黃山書社



(明)李以龍 著

寒窗感寓集二卷附錄一卷

清乾隆嘉慶間覆刻明萬歷四十六年刻本

見所李先生詩錄序

自古英賢崛起蔚為儒宗者類
多鍾山川之秀氣余自初令古
岡陟圭峰溯厓海而知山川鍾
靈應萃八傑是以道學之風倡
自江門而黃雲紫水之鄉不啻

灑浴心竊嚮往之意嗣徽者罕
觀焉及聞見所李先生弱冠掇
巍魁戀慈幃而弗仕閉戶潛修
學追先正家有中林居青竹園
日與其弟以麟猶子之世之標
論道講學暢發性情疏水曲肱

淡然自樂余為思慕其人嘗遣
廬以請挹其言論丰采道範迥
出風塵冀得結旦暮歡無如伊
人之念彌殷而偃室杳滅明之
跡也及余奉

命巡粵時欲再謁先生不意已玉

樓上賓而學使以輿論從祀之
請已上矣余為於邑者久之爰
徵先生遺稿於孝廉之世之標
得寒窓感寓省心養心諸集捧
誦之餘覺忠孝之性發乎其詞
理學之要存於當體信足以續

江門之緒而邈洙泗者也則奈
向之以朱程正派旌額其門洵
非諛矣謹弁數言以識景仰
省

萬歷戊午季秋之吉

欽命巡按廣東監察御史王命璜

撰



寒窗感獨集叙

寒窓感寓者何明志也惟余庸弱
知困夙覲危疾杜門習靜文藝不
以經心惟時嘉靖丁卯仲冬之望
獨坐寒窗長風霽月夜景虛明
詩興懷率尔成句自茲以往常詩

若文間有此作則亦極時感物得
之乎心寓之手言者大都月明恒
靜之餘興也嗚呼老矣豈復有意
於言夫惟言者言矣而言之者志
方夫隱几寒牕之下寓言宇宙之
間志有在也定山先生云雲谷有

詩皆感寓觀其所感而志可想見
矣故曰憑誰喚起朱元晦把酒長
歌感寓詩嗟余何人胡能扳駕於
千載之下蓋曰在殊事異所以興
懷志則一爾乃今白首無成志之
愧也尚何言哉集夫言之類是者

表二

以示二姓庶幾無忘厥志云尔
昔
萬曆丁未中秋日李以龍自叙



寒窗感寓集目錄

詩

夜坐

九日書懷

上座師魏參政

癸酉元旦

將北上次白沙先生韻二首

嘉會樓四首

感寓集目錄

江浦吟追次林南川韻五首

吊厓二首

楊太后

文丞相

陸丞相

張太傅

漢桓王廟

雷電山蕭莊二節婦墓

圭峰登高二首

圭峰題李真人巖

旅夜書懷三首

山中書事寄同館諸友

病中紀夢

憶夢

舟次沙頭

八港

感寓集

目錄

二

端午卽事

夏夜不寐

七夕次孟浩然韻

中秋

秋夕懷唐韋巷同年

秋夕飲光字叔宅言別

重陽雨坐有懷圭峯登高

贈施介洲

九日

九日懷古

重陽後一日

題碧池

題野舟

出牧遺歌卷送林明府還連山

送陸仲岡司訓文昌二首

寄翠屏叔翁

感寓集

目錄

三

潭江

舟中

聞陳僉憲省齋計二首

哭舍弟

補遺

嘉會樓題壁

寒夜

和友人栽花

聞蕭自麓先生訃

贈馬司訓陞任桂林二首

題松鶴

文

省心錄序

古岡二賢詩序

林坡先生集後叙

湖天吏隱卷後序

感寓集

目錄

贈司訓馮先生辭祿歸養叙

出牧遺歌卷後序

養正錄序

名宦記

松賓記

題賢慈直行卷

往事錄

贈別圖引

書賞心清玩卷

追跋旅夜書懷詩

讀李翰林集

書南外觀光卷

重修李氏大宗三墓誌銘

奠蕭先生文

除夕祭書館文

雜著

感寓集

目錄

進學書

忠信第一

孔顏第二

貧士第三

貧富第四

悠悠第五

舉業第六

師說示大侄之世

教子說示族人

禮食色說

服制問說

附錄

王按院請諡疏

感寓目錄終

感寓集

六

寒窓感寓集卷之一

新會李以龍著

侄 李之世 全校

李之標

詩

夜坐

朔風吹雲盡。寒窓坐月明。夜深人靜處。千古一時情。

九日書懷

感寓集 卷之一

一

去歲重九日公堂醉清觴。忽忽又踰年。念茲歲月忙。把酒對茱萸。細看正彷徨。百年已壯立。憂病苦相將。聖途亦云遠。奮策志皇皇。一形漫有役。萬感亂中腸。懷哉結幽居。收功期坐忘。努力更何時。俯仰心悲傷。光陰恐虛擲。展轉秋夜長。

上座師魏參政

昔隨桃李聞芳菲。病入東風春事違。千里又迎

新岳伯十年還着舊儒衣白雲有戀移青鎖黃
閣無私望紫薇只道江門風月好何時吟弄上
漁磯

癸酉元旦

斗柄初回一夜春衣冠同拜

冕旒新乾坤萬歷逢

明主野老三朝亦舊臣那有絲綸供補衮祇將花
鳥答洪鈞春來漫有江門興好向源頭更問津

寒窗集

卷之一

二

將北上次白沙先生韻二首

花滿溪頭水滿陂林亭深處日華遲秋根自老
便高枕嶺樹回春正北枝魏闕忽驚滄海夢
柴門終與白雲期明良千古憑誰計堯舜巢由
亦此時

其二

不問雲臺與釣磯百年身世任行違平生獻納
心猶壯當日頭顱事已非製錦那堪供補衮行

囊賸有密縫衣孤雲何處惟銜恤腸斷江頭日
暮時

嘉會樓 四首

飛閣層空坐榻深百年拄杖此登臨江門秋水
來天地廬阜春雲自古今魚鳥忽驚今日意江
山空憶往年心不堪吟罷更回首滿眼風塵半
夕陰

其二

寒窗集

卷之一

三

少年曾作江門遊百尺樓高望隔洲一病移時
空有夢十年回首又登樓山光水色凝秋思野
樹荒臺起暮愁誰剪榛蕪開塞路梅花明月舊
磯頭

其三

口出東南萬里明高臺遙指白雲生漫隨古道
尋花柳肯向時人說姓名殘碣舊詩猶有跡滄
波烟艇已忘情却憐擾擾浮生夢欲向先生問

八溟

其四

沿流問渡入江門山遶川廻舊有村萬里江流
歸大壑一泓溪水瀉真源也知大極元無極不
道忘言更有言老我一襟懷古意倚欄默默向
黃昏

江浦吟追次林南川韻

五首

夢謁定山遐思江門誦詩寄懷悵然有作

藏書集

卷之一

四

夢入鳶魚意亦佳乾坤何處定山家江清草閣
猶含雨樹老溪雲半着花也向源頭尋活水恍
隨僊子醉流霞烟霞一覺公何在孤枕寒欹半
榻斜

其二

高枕羲皇也自佳千年刪後又名家青天白鳥
真誰意萬紫千紅是此花都把中庸歸大雅絕
無烟火住雲霞吟餘忽動西林興坐擁寒衾對

月斜

其三

乾坤風月定山佳詩到江門是一家南海滄波
誰釣瀨東吳明月又梅花白雲影靜千江水碧
玉秋連萬樹霞兩地神交渾夢寐倚闌吟望幾
回斜

其四

杏壇風日景全佳剖破藩籬是一家風詠未忘

藏書集

卷之一

五

沂水月夢魂深繞定山花閒亭芳草凝春雨秋
水長天閣晚霞醉倒東溪何處是秋根老樹自
欹斜

其五

雲閒水淡更清佳萬古風流是此家那得春風
坐明月漫尋流水問桃花青牛已去關門路紫
氣空殘嶂外霞日斷閉門長坐處微茫江上數
峰斜

弔厓

漚淵未了百年計鎖鑰空教虜使疑和議已成
宋故事出師無復漢威儀雲深落月金牌憤風
駐信潮鐵鎖悲留得乾坤正氣在長風吹雨洗
殘碑

其二

南北河山入戰圖中原戎馬失皇都海門日月
有千古晉國衣冠惟五湖眇眇翠華遊島嶼萋

寒窗感寓集

卷之一

六

萋青塚落靡蕪黍離歌罷還祠廟拭眼江門看
大書

楊太后

間關爲趙忍社稷與身沉母子當年義華夷萬
占心厓門秋雨過湘水暮雲深風落魚龍夜依
然有鼓琴

文丞相

風雨終朝惡山河萬里空有歌遺激烈無地失

英雄不作歸來賦空懷方外踪燕臺千載泪且
落海門東

陸丞相

相國丹心破扶天隻手孤行朝猶正笏大學有
許謨魚腹星辰冷龍髯海日枯兩厓有奇石端
合爲公模

張太傅

魯連初蹈海唐帝猶在房中流空有楫文浪已

寒窗感寓集

卷之一

七

無航華夏千篙水興亡一瓣香乾坤信翻覆終
古任綱常

論曰觀厓山之事知天生聖賢不偶然也
揚王啟運而後天下之大統正慈元啟建
而後天下之大義明文信國公曰天地有
正氣其斯之謂與

又曰厓山之祀殆成春秋之遺意也與孔
子當周室之衰故春秋之義托諸微言先

生際

國家之盛故春秋之義彰諸祀典是皆所以
正綱常扶世教立人極聖賢爲萬世生民
而發也先生之道雖不大行於時而其志
業之大可槩見矣

又曰江門新建皆世儒宗新建進而道行
故功在社稷江門退而道明故功在名教
其二公之餘事也夫

藏書集

卷之一

漢桓王廟

聞國人何在泗流水自清天連漢關迥雲入楚
江平斷岸無橫槩長橋有喝聲祠前誰倚檻今
古此含情

雷電山蕭莊二節婦墓

步上大雲巔徘徊盼雷電青草依寒原纍纍二
墳見移步撫殘碑浩歌汨如濺吁嗟節義陽生
死那能變彼克者何人淫欲肆沉湎殘賊滅天

性剛貞逾百煉惡業竟芟夷芳名流畿甸乾坤
茂宰心綱常爲誰振

圭峰登高

扳緣石逕上雲層數十年來又一登澗水松風
渾落莫玉臺空憶舊時僧

其二

重陽抱病起登高慙倚危欄醉濁醪半日浮生
閒未了欲隨山月臥蓬蒿

藏書集

卷之一

圭峯題李真人巖

蘭若烟霞訪舊踪巖頭秋草禮壇空真人欲覓
知何處猶憶安期望海東

旅夜書懷

月上房櫳靜夜寒刻漏沉一聲何處雁千里此
時心身上意何客天涯思獨深明朝理舟楫指
點白雲岑

其二

悄悄人初寂迢迢夜未央秋聲惟野樹月影自
寒塘歸路紆情遠舊遊入夢長故園有叢菊花
發似重陽

其三

乘月坐江干幽思轉夜闌丹心猶

魏闕清夢只家山遲暮身多病蕭條路更難歸來
跌坐處夜氣滿松關

雨中書事寄同館諸友

寒窗感寓集

卷之一

虛堂鳴雨畫蕭蕭寒掩重門着敝袍賸有清閒
吾道貴從教世利物情勞黃花帶雨秋容淡綠
甌衝寒雪調高却憶故園秋更好對花何日與
持醪

病中紀夢

萬里滄江一腐儒蕭蕭華髮惜居諸夢中不識
身猶病又向金門賦子虛

憶夢

姬王魯叟當年夢浦口江門獨夜吟懷抱百年
空有意東亭臥病水雲深

舟次沙頭

遶逕溪流曲乘潮舟子輕野花迎檻白汀竹亂
帆青寺杳半空落村連一帶橫可憐秋夜月猶
自鼓鼙聲

入港

樹生斜夾岸隱映雲林幽落日迷前浦孤篙渡

寒窗感寓集

卷之一

淺流垂蘿低壓帽亂葉覆平舟逢人欲相問疑
向武陵遊

端午卽事

負疴頽簷下星流節屢更時日方端陽一陰遽
此生翳翳繁雲結蕭蕭飛雨鳴蒼茫四野暗萬
象淒以清濕氣侵坐寒絮衣方自營時聞鼉鼓
發急作競渡聲感此懷舊日寥落壯心驚臨流
一舒嘯默默阻中情

夏夜不寐

暑氣晚來收空齋夜景幽蟬鳴高木葉舡渡遠
江流月色窻疑曙風聲枕似秋不眠思舊侶心
折此淹留

七夕次孟浩然韻

七夕今何夕清秋澹客愁涼颺初入戶新月乍
明樓露冷銀河靜雲空碧樹秋更欲乘槎去心
期間斗牛

中秋

皓月圓初上陰雲暝暫遮當歌徒慷慨對酒惜
年華丹竈那無術赤松自有家迢迢銀漢道誰
與共靈槎

秋夕懷唐韋菴同年

露下疎林靜天空澹月浮別離驚遠意衰病失
清秋杳杳聞鴻雁茫茫見斗牛夜闌勞倚杖河
漢正悠悠

秋夕飲光字叔宅言別

佳辰近黃菊秋氣晚澄清披襟破寂寥尊酒亦
同傾淡淡晴空遠淒淒清露凝未窮幽賞心攬
袂言西行胡然合復離感此雁初征丈夫志千
古爲別豈功名文章世所貴吾道在牆羹臨岐
欲有贈念茲重關情天寒日將暮脩竹倚簷楹
重陽雨坐有懷圭峰登高

望望玉臺秋可憐登高心事轉悽然黃花牢落

東籬晚細雨霏微九日天杳杳秋空遙度雁依
依海樹半浮烟勝遊回首今如夢坐對山靈憶
往年

贈施介洲

不賦長楊與子虛東城高樹隱班廬詩篇得手
尋常興酒盞逢春七十餘海外青山雲外鳥窻
前流水枕前書相逢漫有滄洲趣細雨斜風話
釣魚